



Na osnovu člana 8. i 15. Zakon o principima lokalne samouprave u Federaciji Bosne i Hercegovine („Službene novine Federacije BiH broj: 29/06 i 51/09), Zakona o mladima FBiH („Službene novine Federacije BiH broj: 36/10), člana 30. Statuta Općine Novi Grad Sarajevo („Službene novine Kantona Sarajevo”, broj:1/24), Budžeta Općine Novi Grad Sarajevo za 2026. godinu /tekući transfer za mobilnost mladih - ekonomski kod 614200/GCA26/ („Službene novine Kantona Sarajevo”, broj: 2/26), Pravilnika o uslovima, načinu, kriterijima i iznosu sredstava za mobilnost mladih Općine Novi Grad Sarajevo broj:02/06-34-2206/24 od 04.03.2024. godine, Pravilnika o izmjenama i dopunama Pravilnika o kriterijima i postupku implementacije budžetskih sredstava Općine Novi Grad Sarajevo /tekući transfer za mobilnost mladih/ broj. 02/06-34-745/26 od 20.01.2026. godine, Općinski načelnik putem Službe za obrazovanje, kulturu i sport objavljuje:

- JAVNI POZIV-

za dodjelu sredstva Općine Novi Grad Sarajevo /tekući transfer za mobilnost mladih/

(1)Pravo na dodjelu sredstava

1. Pravo na dodjelu sredstava, mogu ostvariti učenici i studenti koji se nalaze na redovnom školovanju u osnovnim, srednjim i visokoškolskim ustanovama i nezaposlene mlade osobe koje su članovi, aktivisti ili volonteri omladinskih i drugih udruženja i sportisti uz uslove kako sljede:

- a) da su državljani Bosne i Hercegovine,
- b) da imaju prebivalište na području Općine Novi Grad Sarajevo, najmanje jednu godinu dana prije podnošenja zahtjeva za dodjelu sredstava,
- c) da su starosne dobi od 15 do 30 godina,
- d) opravdana dodjeljena sredstva u prethodnoj budžetskoj godini, (službena provjera).

(2)Novčana sredstva za mobilnost mladih dodjeljuju se za učešće mladih :

- a) regionalnim i međunarodnim edukacijama, radionicama i seminarima;
- b) regionalnim i međunarodnim konferencijama i kongresima;
- c) kratkoročne i srednjoročne posjete u svrhu rada na projektu, istraživanju ili uspostavljanju saradnje na realizaciji projekata od značaja za lokalnu zajednicu;
- d) stručnom usavršavanju/praksi;
- e) regionalnim i međunarodnim školama koje promovišu neformalno obrazovanje, volonterizam i humanitarni rad;
- f) učešće na međunarodnim takmičenjima iz oblasti nauke, kulture, sporta i dr;
- g) učešće mladih sportista na organizovanim internacionalnim takmičenjima;
- h) studijskim posjetama u cilju razvoja regionalne i međunarodne saradnje među mladima.

(3) Finansijska sredstva namijenjena za mobilnost mladih uključuju sljedeće troškove:

- a) putni troškovi,
- b) kotizacije za učešće,
- c) toškovi smještaja,
- d) troškovi vize.

(4) Iznos sredstava koji se može dodijeliti:

- 1) Maksimalan iznos sredstava koji se može dodijeliti za jednu osobu/podnosioca zahtjeva, iznosi:
 - a) do 500,00 KM za događaje koji se realizuju u zemljama regiona: Hrvatska, Srbija, Slovenija, Sjeverna Makedonija, Kosovo, Crna Gora i Albanija;
 - b) do 800, 00 KM za događaje koji se realizuju u ostalim zemljama koje nisu navedene u stavu (1) tački a).
 - 2) Maksimalan iznos sredstava koji se može dodijeliti, za više prijavljenih na isti događaj, iznosi:
 - a) za događaje koji se realizuju u zemljama regiona:
 - do 1.500 KM ukoliko je broj prijavljenih na isti događaj od 2 do 5 učesnika, a koji se proporcionalno dijeli na broj prijavljenih za učešće na navedeni događaj,
 - do 2.000 KM ukoliko je broj prijavljenih na isti događaj od 6 i više učesnika, a koji se proporcionalno dijeli na broj prijavljenih za učešće na navedeni događaj.
 - b) za događaje koji se realizuju u ostalim zemljama koje nisu navedene u stavu (1) tačka a), iznosi:
 - do 2.500 KM ukoliko je broj prijavljenih na isti događaj od 2 do 5 učesnika, a koji se proporcionalno dijeli na broj prijavljenih za učešće na navedeni događaj,
 - do 3.000 KM ukoliko je broj prijavljenih na isti događaj od 6 i više učesnika, a koji se proporcionalno dijeli na broj prijavljenih za učešće na navedeni događaj.
- (3) Pojedinačni iznos koji se utvrđuje za više prijavljenih aplikanata na isti događaj ne može biti veći od maksimalnog iznosa sredstava koji je utvrđen za jednu osobu/podnosioca zahtjeva u stavu (1) tačka a) i b).
- (4) Sredstva se uplaćuju na bankovni račun podnosioca zahtjeva.
- (5) Pravo na dodjelu sredstava korisnik sredstava može ostvariti jednom u toku budžetske godine.

(5) Potrebna dokumentacija

- 1) Uz popunjen obrazac zahtjeva, aplikant je obavezan dostaviti sljedeću dokumentaciju (orginal ili ovjerenu kopiju):
 - a) uvjerenje o kretanju – (ne starije od 6 mjeseca),
 - b) uvjerenje o državljanstvu BiH – (ne starije od 6 mjeseci),
 - c) poziv za učešće ili potvrdu o učešću u aktivnostima iz Javnog poziva ,
 - d) pregled troškova za koje se traži finansiranje,
 - e) dokaz da organizator za aktivnosti iz Javnog poziva ne pokriva troškove,
 - f) potvrdu o redovnom školovanju za učenike i studente,
 - g) potvrda Sportskog saveza da je podnosioc zahtjeva registrovani takmičar,
 - h) uvjerenje Službe za zapošljavanje za nezaposlene,
 - i) potvrdu ili drugi dokaz o angažmanu u organizaciji/udruženju (ukoliko postoji),
 - j) potvrda o bankovnom računu.

(6) Finansijskim sredstvima /tekući transfer za mobilnost mladih - ekonomski kod 614200/GCA26 / neće se finansirati troškovi putovanja i učešća u aktivnostima vezanim za političke subjekte u i van Bosne i Hercegovine koje organizuju domaće i inostrane političke stranke ili druge organizacije.

(7) Postupak dodjele:

1) Javni poziv se objavljuje na web stranici Općine i ostaje otvoren do utroška finansijskih sredstva planiranih Budžetom Općine Novi Grad Sarajevo za 2026 /tekući transfer za mobilnost mladi/:

- a) zahtjev za dodjelu sredstava podnosi se putem protokola, Službi za obrazovanje, kulturu i sport Općine Novi Grad Sarajevo, najmanje petnaest dana prije odlaska na aktivnost koja se finansira,
- b) dostavljeni zahtjevi se rješavaju po vremenu prispjeća,
- c) podnosioc zahtjeva može u roku od 8 dana od dana prijema obavjesti po zahtjevu podnijeti prigovor Općinskom načelniku koji donosi Rješenje u roku od 8 dana od dana izjavljivanja prigovora.

(8) Izvjštavanje:

1) Služba za obrazovanje, kulturu i sport zadržava pravo praćenja namjenskog utroška dodjeljenih sredstva:

- a) dodjeljena sredstva moraju biti opravdana u roku od 30 dana od okončanja aktivnosti a najkasnije do 31.12. tekuće godine.
- b) korisnik sredstava je dužan dostaviti narativni izvještaj sa dokumentacijom koja se odnosi na troškove.
- c) korisnici koji ne opravdaju dodjeljena sredstva, ne mogu ostvariti pravo po javnim pozivima, te će se na prijedlog Službe za obrazovanje, kulturu i sport pokrenuti procedura za povrat odobrenih sredstava.

Kontakt telefon: 033 291 243, 033 291 214, e-mail: obrazovanje@novigradsarajevo.ba; kancelarija broj 414, četvrti sprat.

Općinski načelnik

mr. Semir Efendić